


證治準繩

外科 卷之六下

漢書門類	一	二	三	四	五	六	七	八
函號類	八	〇	一	〇	八			
架冊類								

內閣文庫	漢書	函架	冊號	類
三〇	〇	〇	八	

內閣文庫	番號	漢	12548
冊數	80	(33)
函號	301		61



海國西醫
人參
壹兩

黃芪

厚朴
去麁皮薑汁炙令香

右為細末每服貳錢食前溫酒調下日三四服一

方有白芨無黃芪桑白皮

內塞散 治金瘡去血多虛竭疼痛羸弱內補

黃芪

當歸

白芷

芎藭

乾薑

黃芩

芍藥

續斷

附子

細辛

鹿茸

右為細末每服伍分七食前酒調下日三服稍增

失業
五方員

三七

此方寸七一方無芍藥

蒲黃散 治金瘡血出腹脹欲死

蒲黃

生地黄 各壹兩半

黃芪

當歸

芎藭

白芷

續斷 各壹兩

炙甘草 叁分

右為細末每服參錢七空心酒調下日三四服血化為水而下若口噤斡開口與之仍加大黃壹兩半

神仙止血散

龍骨 五色緊七

訶子 去核各壹兩

白石脂

苧麻葉

五月五日午時採陰乾各半兩

右為細末每服壹錢半食遠水調服之如修合時

忌婦人雞犬見

治金瘡出血內漏用蝙蝠貳枚燒煙盡以水調服方

寸七令一日服盡當下血如水血自消也

血出不透致瘀滯為患傷處赤腫或攻四肢頭面並

雞鳴散或煎紅花調黑神散

金瘡腸出欲入之磁石滑石各參兩為細末白米飲

送下方寸七日再用 鬼遺方

磁石散 治金瘡腸出宜用之

腸出

血

磁石 煨研

滑石 研

鐵精 各參兩

右為細末研勻每服壹錢七温酒調下空心日午晚間各一服仍以針砂塗腸上其腸自收入一方用白米飲調服一方無鐵精

治傷破腸出不斷腸出欲燥而草土着腸者

右作大麥粥取汁洗腸推內之常研米粥飲之二十日稍稍作強糜百日後乃可瘥草土當踈在皮

外

治金瘡中腸出不能入者

右以小麥參升用水玖升煮取伍升綿濾過候冷

含噴瘡上漸入以冷水噴其背不宜多令人見亦

不欲令傍人語又不可令病人知或尚未入取病

人卧席四角令病人舉身搖須臾腸自入十日內

食不可飽頻食而少勿使病人驚驚則殺人

治金瘡腸出者

右以桑白皮作線縫之更以熟雞血塗上立愈唐

安藏剖腹用此法効

筋急

敗弩筋散 治金刃弩所中筋急不得伸屈

敗弩筋 燒作灰

秦艽 去苗

杜仲 去皮炙

熟地黃 焙各半兩

附子 炮去皮臍

當歸 切焙各壹兩

失傳 易昌 水斗六

三九

大棗 參枚取
肉焙

右為細末每服貳錢七温酒調下空心日午夜卧
各一服一方有續斷無大棗

生乾地黄散 治金瘡煩悶

生乾地黄 白芷 當歸 炒

桃仁 去皮尖雙
仁麩炒 續斷 黃芩

赤芍藥 羚羊角屑 炙甘草 各壹
兩

芎藭 桂心 各叁
分

白薇散 治金瘡煩悶不得眠卧疼痛
右為細末每服貳錢食前温酒調下日三四服

白薇 枳實 麩炒 辛夷仁

括蓐根 赤芍藥 炙甘草 各壹
兩

酸棗仁 貳兩
微炒

右為細末每服貳錢食前温酒調下日三四服

琥珀散 治金瘡弓弩箭中悶絕無所識

右用琥珀研如粉以童子小便調壹錢服三服瘥

高祖時寧州貢琥珀枕碎以賜軍士傳金瘡

虎骨散 治金瘡中風瘳肢節筋脉拘急

虎脛骨 敗龜板 各酥炙 當歸

乾蝎 各微炒 桃仁 去皮尖雙
仁麩炒 芎藭 各壹
兩

漢書員 卜卦

黑豆 伍合

松脂 貳兩

桂心 叁分

右先將松脂并黑豆炒令熟後和諸藥搗為末每服貳錢不拘時溫酒調下

豆淋酒

治因金瘡中風反強者

大豆

陸合

雞矢白

壹合

右炒令大豆焦黑次入雞矢白同炒乘熱瀉於參并酒中密蓋良久濾去滓每服伍合如人行五里更一服汗出佳未瘥即更作服之汗出為度服後宜喫熱生薑粥投之

必効酒

治金瘡中風角弓反張者

右用蒜四破去心頂壹升以無灰酒肆升煮蒜令極爛并滓每服伍合頓服之須臾得汗則瘥

又方 治金瘡中風瘳欲歿者及諸大脉皆血出多不可止血冷則殺人

右用生葛根壹斤剉碎以水伍升煮取叁升去滓每服熱飲壹小盞日三四服若乾者搗為末每服貳錢溫酒調服若口噤不開但多服竹瀝即止

塗封方

治金瘡中風角弓反張

生雞子

壹枚

烏麻油

叁兩

右先將雞子打破與麻油相和煎之稍稠待冷塗

封瘡上

葫蘆方 治金瘡得風身體痙強口噤不能語或因打破而得及刀斧所傷得風臨死服此並瘡右取未開葫蘆壹枚長柄者開其口隨瘡大小開之令瘡大小相當可繞四邊閉塞勿使通氣上復開一孔取麻子油燭兩條並燃以葫蘆口向下熏之燭盡更續之不過半日即瘥若不止亦可經二日熏之以瘥為度若燭長不得內葫蘆可中折用之

元史布智兒從元太祖征回回身中數矢血流滿體太祖命取一牛剖其腹納之牛腹中浸熱血內移時遂甦

李挺從伯顏征郢州砲傷左脇矢貫於胸幾絕伯顏令剖水牛腹內其中良久甦

按此以血補血之良法也虜日以弓矢為事以意為救死扶傷之法反出吾中國上業醫者守死方治活病寧不自愧

羅謙甫踴鐵膏取箭頭一切針刺入肉箭頭入肉

鼯鼠頭

壹箇或別入油汁內熬

蝮蛇

肆拾枚

芫青

壹兩

土消蟲

拾箇

巴豆

馬肉内蛆

焙乾

信

醬蛆

焙乾

夏枯草

礶砂

磁石

黃丹

地骨皮

蘇木

蟻螂 各壹兩

石腦油 叁兩

蒿柴灰汁 叁升

右將石腦油蒿柴灰汁文武火熬成膏次下地骨皮等末令勻磁器内收臨時用量瘡勢大小點藥良久箭頭自湧出

箭頭入肉

雄黃散

治藥毒箭頭在身未出

雄黃

壹分

粉霜

半兩各

蟻螂

肆枚研生用

巴豆

叁粒去皮殼別研如泥生用

右同研勻以銅筋頭取乳汁塗點瘡上頻頻用之七日瘡熟箭頭自出

紅散子 摩金瘡上

草烏尖

麒麟竭

茄子花

蔓陀羅子

蓖麻子

去殼細研各半兩

右爲細末好酒調如膏瘡口上塗摩之箭頭自出

牡丹散 治金瘡箭頭在骨遠年不出

牡丹皮

去心

白斂

各壹兩

桑白皮

貳兩

藿香葉

丁香

麝香

研各壹分

右爲細末每服貳錢七温酒調下日三服淺者七

日深者二十日箭頭自出

蟻螯丸 治金瘡箭鏃在骨中遠年不出者

蟻螯 伍枚 乾者

蝮蝥 叁枚 乾者

赤小豆 壹分

赤鯉魚鮓 壹兩 硃砂 壹錢

紅花末 叁錢

右研細以鮓研和丸如菉豆大如有瘡口只於瘡口內維壹丸如無瘡口以針撥破內藥不過叁丸至伍丸箭頭自動輕搖即出

出箭頭方

蟻螯 拾箇 自灰者

土狗子 叁箇

婦人髮灰 少許

右將蟻螯去殼取白肉與二味同研如泥用生塗

中箭處如膏塗後內微痒即以兩手蹙之其箭頭自出

解骨丸 治箭鏃不出

雄黃 研

蟻螯 研

象牙末 各等分

右為細末煉蜜和丸如黍米大內瘡口內後細嚼羊腎脂摩貼之覺痒箭頭自出

治箭鏃入骨取不出疼痛宜用此方

巴豆

蟻螯 各叁枚

右研塗所傷處候痛定微痒忍之極痒不可忍即撼動拔出次用生膏藥傅之以黃連貫衆湯洗畢

扶漢書員

小

八

以牛膽製風化石灰傳之無治惡瘡

夏侯鄴云初在潤州得方箭鏃出後速以生肌膏
傳之說者云無治瘡鄴得方後至洪州旅舍主人
妻患背瘡呻吟鄴遽用此方試之愈

治箭頭不出方

磁石生搗研 雄黃研各

右用研勻每服貳錢七空心菘豆汁調服十日後
輕撥便出手足上用此藥貼之自出

取箭鏃方

右用天水牛壹箇獨角小者尤妙用小瓶盛之用

硼砂壹錢研細用水些少滴在內浸自然化水以
藥水滴在傷處箭頭自然出也

淮西總管趙領衛名厲殿巖密之子云仇防禦方
張循王屢求不得因奏知德壽宣取以賜之有奇
効與楊氏方中用巴豆蜚螂者大率相似

治箭頭在咽喉中或胃膈中及諸處不出者

右用鼠肝五具細切爛研傳之無以鼠腦髓或鼠
頭血塗之並良亦治人鍼折在肉不出并刀刃傷
牛膝膏 治箭頭在咽喉中或胃膈中及諸處不出
者

右搗牛膝不拘多少為末以熱水調塗箭頭即出
若火瘡灸瘡不瘥者塗之亦効

治箭頭在肉不出方

右以白項蚯蚓拾肆條內銅器中次入鹽壹兩於
日中曝並化作汁塗有箭鏃并刀傷須臾痒則出

又方 治箭頭及諸刀刃在咽喉胸膈諸處不出者

右嚼杏仁不拘多少塗之一方研杏仁細傅之

又方 治箭鏃中傷在咽喉胸膈不出及針刺不出
者

右用蠖蛄即土狗蟲乾者濃煎汁滴上三五度箭

頭自出一方以蠖蛄腦拾枚細研塗瘡上亦出

鼠油膏 出箭頭

鼠 壹枚熬取油

蜚螂

皂角 燒灰

定粉

龍骨 各壹錢

乳香 少許另研

右為細末以鼠油和成膏點藥在瘡口內其上更
用磁石末蓋之箭頭自出

胡椒餅 出箭頭及木竹刺入肉不得出者

胡椒 研末

右以飯搗爛入胡椒末和一處貼傷處不過一二
餅即出或搗蜚螂傅即出或以賭錢牛蟲搗傅亦

妙

萬全神應丹出箭頭魚骨針麥芒等遠近皆治之

莫若科即天仙
子苗也

於端午日前一日持不語戒遍尋上項科見即取
酌中一科根枝葉實全者口道先生爾卻在這裏
道罷用柴灰自東南為頭圍了用木篋子擡起周
迴土次日端午日日未出時依前持不語用木擡
只一擡取出水洗淨不令婦人雞犬見淨室中石
臼內搗為泥丸如彈子大以黃丹為衣以紙袋封
懸在高處陰乾若有着箭不能出者以緋絹袋盛

此藥壹丸放臍中用綿裹肚繫定先用象牙末貼
瘡上後用此藥若箭瘡口生合用刀子微刮開以
象牙末貼之隨出陝西行省出軍曾用有效

本療鏃不出搗枯萁根傳瘡日三易自出

世李渤治箭鏃不出及惡刺以齒塗和鶴蝨傳之

姚壽箭有二種交廣夷俚用焦銅作箭此一種纜傷

皮便悶膿沸爛而歿若中之用飲屎汁并以傳之亦

可惟此最妙又有一種用射菌以塗箭鏃人中之亦

困若着寬處不歿近腹亦宜急治今葛氏方治射菌

者是葛氏方用藍汁大
豆猪羊血解之

解箭

藍汁飲 治毒箭所中

右搗藍汁壹升飲之滓傳瘡上若無藍取青布漬絞汁服之并淋瘡中鏃不出搗鼠肝塗之鼠腦亦得用之即出

貝子散 治毒箭

右以貝子搗為末每服壹錢匕温酒調下不拘時日三四服此方治中毒并金瘡止痛

綠礬散 治竹草刺瘡發腫作疼傷

時不曾出血盡被惡毒氣注痛不止夜卧不安初破時其瘡紫赤黑色較時起三五重皮是也

綠礬

半兩小便燒熱放礬於內候冷取出日乾

丹參

貳錢半

麝香

壹字

馬兜鈴根

壹錢半

右為細末漿水洗淨瘡口上敷貼立効

又方 治被刺入肉或鍼棘竹木等多日不出疼痛

龍葵根

壹把洗淨取皮

人參

壹兩俱為末

醋

少許

臘月豬脂

壹兩

右和搗令勻每用少許傅瘡上其刺自出

治手足卒中刺中水毒方

韭

藍青

右搗置瘡上以火炙熱徹即愈

又方

右嚼鼓不以多少塗之良若治狐尿刺人者當看鼓中有毛爲度如無再傅之

治竹刺不出者

右爛研草麻以絹帛襯傷處然後傅藥時時看覩若覺刺出卽拔恐藥太緊并好肉努出也一方不用絹襯

牛蒡葉散 治一切金木竹所傷

右用牛蒡葉惡實是六七月收者風乾爲末每用乾摻不得犯別藥如經暑月蠅蟲下蛆在瘡上或

因肌肉生合有成竅子者卽用杏仁研成膏手撚作條子入在竅內其蛆蟲自出

治刺傷中風水疼痛

右用鯉魚目燒灰研傅患處汁出卽愈諸魚目皆可用鱖魚目尤佳

松脂方 治刺入肉疼悶百理不瘥

右以松脂傅瘡上以帛裹三五日當有根出不瘥不痒不覺自落甚良

治針入肉方

右刮指甲末同酸棗仁搗爛唾調塗上次日定出

一方用酸棗核燒爲末服之

又方 治烏雄雞刺在肉中不出者及治竹木針刺
右用烏雞尾翎二七莖燒作灰以乳男子妳汁和
封瘡口其刺卽出

桂蠟丸 治惡刺入肉

右用桂去麤皮搗爲末熔黃蠟丸看病大小置瘡
內濕紙三五重搭蓋以火燻候藥丸熔入肉其刺
自出如無刺所傷者尤見愈速

精凡諸竹木刺入肉中不出以蟻螬研傅立出 又
方用白茅根搗傅之立出 又方嚼牛膝根罨之卽
出

簡治竹木刺扎入深不得出用烏羊糞搗爛水和罨
於傷處厚傅之曾有莊僕脚心中刺不得出苦痛欲
死以此藥黃昏傅之至四更其刺出遂安

山蘆葦刺入肉者細嚼栗子查盪傷處 木竹刺已
出痛者螻蛄罨之妙

簡治針入肉不出用螻蛄腦子同硫黃研細調傅以
紙花貼定如覺痒時其針自出

羅神聖膏取針悞入皮膚用車脂不拘多少成膏攤
紙上如錢許二日一換三五次其針自出 又取針

誤入皮膚用烏鴉翎三五枚火炙焦黃色碾為細末
好醋調成膏子塗在瘡上紙蓋一二時針出効
簡治針入肉不出用雙仁杏仁搗爛以車脂調勻貼
在瘡上其針自出

世治秀針刺足已出痛者用黃泥罨之

簡主小兒悞為諸骨及魚骨刺入肉不出者水煮白
梅肉研爛調象牙末厚傅骨刺處自輒

圖生象牙主諸物刺入肉刮取屑細研和水傅瘡上
刺立出如咽中刺用水調飲之舊象梳屑尤佳

孟魚骨在肉中不出者嚼吳茱萸封之骨當爛出

丹破傷風血凝心針入肉游走三證如神方用烏鴉

翎燒灰存性研細調壹錢服

內服 杖瘡 鬼代丹主打着不痛

無名異

沒藥

乳香

各研

地龍 去土

自然銅

醋焯研

木鼈子

去殼二分

右為末煉蜜丸如彈子大溫酒下壹丸打不痛

精乳香散 治杖瘡神効

自然銅 半兩醋焯

沒藥 各參錢

茴香 肆錢

當歸 半兩

右為細末每服伍錢溫酒調下

雞鳴散下杖痛腹中惡血甚好方見前

五黃散 治杖疼定痛

黃丹

黃連

黃芩

黃檗

大黃

乳香

右為細末新水調成膏用緋絹上攤貼

潔古沒藥散 治杖瘡止痛令瘡不移

蜜陀僧

沒藥

乳香

乾胭脂

膩粉

右細末次入龍腦少許若多更妙燒葱與羊骨髓

生用同研如泥攤在緋帛上貼之

治杖瘡

片腦

麝香

龍骨

蜜陀僧

胭脂

輕粉

乳香

沒藥

寒水石

右為細末乾摻瘡上四邊以生麪糊圍定次用緋

紅絹帛貼之

乳香散 治杖瘡腫痛

大黃

黃連

黃檗

黃芩

乳香

沒藥

片腦

右爲細末研勻冷水調攤緋絹上貼之

治杖瘡

血竭

輕粉

乾胭脂

蜜陀僧

乳香

沒藥各等分

右研細末先以冷水洗淨拭乾以豬脂調搽紅紙

貼之愈

龍腦潤肌散

治杖瘡熱毒疼痛

龍腦壹字

輕粉壹錢半

麝香半錢

蜜陀僧貳錢

黃丹壹兩

右爲細末每用乾摻上用青帛貼之內留一孔

丹溪云杖瘡痛用黃檗生地黄紫荆皮傳此皆要藥

也只是血熱作痛用涼藥去瘀血爲先須下雞鳴散

之類

又方用生地黄黃檗童便調傳或加韭汁 不破者

以韭菜葱頭杵貼冷卽易之膏藥用紫荆皮乳香沒

藥生地黄大黃黃檗之類 又方用木耳盛於木杓

內用沸湯浸爛攪水令乾於砂盆內搗細傳瘡上

又方用大黃黃檗爲末生地黄汁調傳如乾再傳

又方用野苧根嫩者不拘多少洗淨同鹽併搗傳在

瘡上神妙傷重多用鹽

世杖瘡丹用劉寄奴末陸錢馬鞭草末肆錢蜜調值

如濕者乾摻馬鞭草即鉄筯
筯此方甚妙

圍藥 治腫未破用此消腫定疼

無名異

木耳去土

大黃各炒各
等分

右為極細末用蜜水調圍四邊腫處

傳杖瘡妙方 治棒杖打腫痛者

豬鬃

地園菱

田茶菊

地薄荷

血見愁

山薄荷

澤蘭葉

生地黄

右搗爛取汁泡酒服以滓傳貼

又方

金屯葉

寶塔草

山薄荷

豬鬃

芙蓉葉

地薄荷

桑葉尾

澤蘭葉

右搗爛取汁泡酒服以滓和大黃末傳貼

又方

豬鬃多

澤蘭葉

生地黄根葉
俱用

右搗爛取汁泡酒服以查傳貼

又方

朴樹葉

水坑葉

右搗爛傅貼

又方

菘豆粉

側柏葉

各研等分

右以雞子清和椀油打勻調豆粉攪勻時時以鴨毛掃之

又方

大黃 叁兩

檳榔 叁錢

石膏 煨陸兩

右末用豬膽汁雞子清椀油打勻入末攪勻時時鴨毛掃塗之

生肌桃花散

輕粉

血竭

蜜陀僧

乾胭脂 各壹錢

右研細每用乾摻仍以膏塗貼之

靈異膏

治杖瘡金瘡癩撲

及破湯火傷久年惡瘡

川鬱金 叁兩

生地黄 貳兩

粉草 壹兩

臘豬板脂 壹斤

右剉細入脂內煎焦黑色濾去滓入明淨黃蠟肆兩熬化攪勻以磁器貯之水浸久去水收用時先以冷水洗瘡拭乾却敷藥在瘡上外以白紙貼之止血定疼且無癍痕湯湯火燒不須水洗治凍瘡

尤妙

乳香膏 治金瘡杖瘡神效

乳香

沒藥

川芎

自然銅 各柒錢

當歸

羌活

獨活

川牛膝

石膏

劉寄奴

黑牽牛

黃檗皮

破故紙

白膠香

生地黄

熟地黄

赤芍藥

白芍藥

紫金皮

黃丹

白芷 各伍錢

黃蠟 壹兩

清油 肆兩

右除膠香丹蠟外餘藥為末入油內煎以柳枝不住手攪試將成膏却入參味更試成膏以生布濾淨以瓦器盛水傾在冰中用篋攤開貼瘡孔深者擦成膏條穿入孔中不問淺深放瘡上如作熱加輕粉片腦朴硝入膏內吐之

銀粉膏 治杖瘡

光粉 壹兩

乳香

沒藥

赤石脂

樟腦 各壹錢

水銀 貳錢半

右末用豬脂貳兩黃蠟伍錢融化調末成膏油紙

攤貼

又方

水銀

樟腦

各壹錢

乳香

沒藥

血竭

各壹錢

片腦

壹分

黃蠟

水牛油

豬油

各壹兩

右末先將油蠟融化候冷和末攪勻油紙攤貼

牛脂膏 治杖瘡神效

乳香

沒藥

樟腦

各伍錢

黃蠟

水牛油

壹斤

右末先熔蠟次入油和勻調木攪勻油紙攤貼或以天芋葉攤貼極妙

紅膏藥

治杖瘡及腫瘡

黃丹

飛炒 貳兩

乳香

沒藥

兒茶

血竭

硃砂

樟腦

水銀

各壹錢

麝香

片腦

各壹分

黃蠟

水牛油

豬油

各壹兩

右末先以蠟融化次入油和勻候冷入末攪勻油紙攤貼腫瘡作隔紙帶貼之

白膏藥

治杖瘡及腫瘡

光粉

貳兩

甘石

煨水淬 飛過

白石脂

煨

龍骨

乳香

沒藥

楓香

樟腦

水銀

麝香

片腦

黃蠟

相蠟

豬油

黃蠟

右末先熔蠟次入油和勻候冷調末攪勻油紙攤

貼臙瘡作隔紙膏貼之

黑膏藥 治杖瘡及諸瘡神効

防風

荊芥

連翹

大黃

黃連

黃芩

黃蘗

當歸

赤芍藥

玄參

紫金皮

木鼈子

白芷

杏仁

桃仁

生苳

地園荜

黃花苑

側柏葉

地薄荷

豬鬃

乳香

沒藥

兒茶

大黃

當歸

杉皮炭

楓香

龍骨

赤石脂

血竭

樟腦

孩兒骨

硃砂

水銀

麝香

右將後十五味爲末將前二十一味鋤碎以水煎

此方係...

熬濃汁濾去滓再煎令汁如錫樣入豬油貳斤慢火熬令汁乾入光粉壹斤旋入攪至黑色成膏滴水成珠可丸不粘手為度次入黃蠟貳兩熔化出火毒數日再微熬熔入乳香後十五味末攪勻

油紙攤貼

秘傳杖瘡膏方 專治打傷又治金瘡及無名腫毒

臙瘡者跌傷及別樣瘡忌貼

香油其油者佳將穿山甲栢枝先入油中煎

栢枝壹根已上貳件正取油

槐枝壹莖須另

府丹即飛丹淨

水花礫淨水飛去漂脚

沒藥乾取細末貳錢

孩兒茶已上肆件各參錢槌碎和勻共

新紅象牙各麪包燒存性取

人指甲炒黃

三七晒乾取

黃芩細末各

半夏大者拾枚為細末已上拾

海螵蛸伍分

石乳銅鍋內炒

黃連細末

樟水肆錢

黃蠟貳錢

冰片壹分

失笑...

麝香

三分

阿魏

成塊者伍分已上肆件待諸藥俱下盡臨起鍋時方

下攪極勻取出阿魏查

右藥先將細末藥分五分其四分以次下鍋如左其一分留看藥厚薄以為增減如四分已下盡藥尚薄亦將此分漸下如正好留此一分待貼膏藥時摻在患處尤妙

煎法用上好香油肆兩入銅鍋中炭火煎沸沸時入栢枝一莖穿山甲一片在內煎數沸去二藥查將薄綿紙乘熱濾淨油揩淨鍋復入油於鍋中煎沸下府丹五錢用槐條急攪不住手至成膏方止

候六七煎後用清水漱淨口噴清水少許於鍋中

即取起鍋

一起鍋時於前四分中細末藥將一分漸漸逐一挑下急攪如前此分藥盡約均和了將槐條蘸藥滴水且未要成珠復置鍋火上急攪候沸起鍋二起鍋復將前末藥一分漸下鍋中急攪如前約均和滴水要成珠復置鍋炭火上急攪候沸起鍋三起鍋漸下藥攪如前約均和將藥滴水雖成珠尚要粘手復置鍋火上如前四起鍋漸下藥如前急攪約均和將藥滴水成珠

珠要將至不粘手了復置鍋炭火上候沸起鍋
五起鍋卽下黃蠟貳錢府丹伍錢急攪如前將藥
滴水成珠要須不粘手又不可太老了如尚粘手
將前留下一分末藥漸下以不粘手爲度如不粘
手了卽下水花侏貳錢次下樟木末肆錢急攪方
下麝參分阿魏伍分水片壹分急攪不佳手量藥
已均和了撩阿魏查去之以藥入磁器內浸冷水
中片時候凝將藥尋露天天陽淨地掘坎將磁器
倒覆於坎中仍以土覆好候七日後方起
一藏法用油紙及箬包好餅口以防洩氣

一攤膏藥時用湯中煎過淨油單紙攤上藥不用
火烘止用熱湯入器中將油紙放器上以藥放上
攤開又不用太厚須於紙上照得見爲妙如以絹
攤用湯頓烱藥攤上

一貼時先將菜菔汁桑葉煎湯露中露過一宿用
以洗患處方用貼之

一旣貼後每日洗一遍不要換膏藥至二三日後
血散風去方換收口黑膏藥卽萬應膏也

萬應膏方 專主杖瘡收口神効

香油

貳斤真
油應淨

黃連

黃蘗

跌打仙方 卷之二

黃芩 各伍兩

栢枝

槐枝 各壹束

去碎屑

府丹 壹斤水飛去標脚晒乾

乳香

沒藥

血竭

孩兒茶

各叁錢已上肆件用槌打碎和勻入鍋中炭火炒沸為細末篩過

象皮灰

用砂炒過去取細末

海螵蛸 各伍分細末

半夏

壹錢細末

龍骨

伍分已上捌味為極細末用極細篩篩過和勻漸入

後藥

阿魏

伍分

右將真香油貳斤濾淨入銅鍋中煎沸入黃連苦
壁黃芩槐條煎三四沸將細夏布及薄絹紙濾去
渣指淨銅鍋仍入油於鍋中煎沸入前府丹用棍

條急攪煎至滴水成珠乘熱入磁器中即將前細

末藥八味及阿魏漸入藥中急攪不停候和勻去

阿魏查藥冷為度七日後可用藏攤洗法並如前

凡人一杖後切不可用手拍之急用明淨松香水

龍骨炭火煨過須多年者佳二味俱為細末鷄子

清調敷惡血自出若能預調此藥以待杖過即敷

尤妙 滕松川不用松香而用大黃云亦有效

薛氏分證主治大法

脇肋脹痛若大便通和喘欬吐痰者肝火侮肺也用

小柴胡湯加青皮山梔清之若胸腹脹痛大便不通

跌打仙方

小斗六

百一

喘欬吐血者瘀血停滯也用當歸導滯散通之內經
云肝藏血脾統血蓋肝屬木生火侮土肝火既熾肝
血必傷脾氣必虛宜先清肝養血則瘀血不致凝滯
肌肉不致偏潰次壯脾健胃則瘀肉易潰新肉易生
若行剋伐則虛者益虛滯者益滯倘不旋踵矣有
一患者患處脹痛發熱欲嘔兩脇熱脹肝脈洪大薛
曰肝火之症也但令飲童便并小柴胡湯加黃連山
梔歸梢紅花諸證果退此證若左關脈浮而無力以
手按其腹反不脹者此血虛而肝脹也當以四物參
苓青皮甘草之類治之若左關脈洪而有力胸脇脹
痛者按之亦痛此怒氣傷肝之證也以小柴胡芎歸
青皮芍藥桔梗枳殼主之蓋此證不必論其受責之
輕重問其患處去血之曾否但被人扭按甚重努力
恚怒以傷其氣血瘀血歸肝多致前證甚則胸脇脹
滿氣逆不通或血溢口鼻卒至不救 有一患者愈
後口苦腰脇脹痛服補腎行氣等藥不愈薛按其肝
脈浮而無力此屬肝膽氣血虛而然耳用參芪芎歸
地黃白朮麥門五味治之而愈 李進士季夏傷手
出血不止發熱作渴兩脇作脹按之即止此血虛也
用八珍加軟柴胡天花粉治之頓愈更用養氣血之

藥調理而痊

小柴胡湯 治一切撲傷等證因肝膽經火盛作痛

出血自汗寒熱往來日晡發熱或潮熱身熱欬嗽發熱脇下作痛兩肢痞滿

柴胡 貳錢

黃芩 壹錢

半夏

人參 各壹錢

炙甘草 伍分

右薑水煎服

破血散 治乘馬損傷跌其脊骨惡血流於脇下其疼痛楚不可轉側

羌活

防風

肉桂 各壹錢

水蛭

炒煙盡另研半錢

柴胡

當歸稍

連翹

各貳錢

麝香

另研少許

右作壹服水壹鍾酒壹鍾煎至壹鍾去滓入水蛭麝香末調勻不拘時溫熱服

腰脊痛地龍散

治腰脊痛或打撲損傷從高墜下

留在太陽經中令人腰脊或脛膈臂腰中痛不可忍

地龍

官桂

蘇木 各玖分

麻黃

柒分

黃蘗

當歸稍

甘草

各壹錢半

桃仁

玖箇

右作壹服水貳鍾煎至壹鍾食前服

戴復菴云擗撲傷疼酒調琥珀散極佳再有烏藥順氣散用以治之風腰疼尤宜有擗撲人服藥并熏洗搽貼藥皆不効自若或教以用白芍藥赤芍藥威靈仙乳香沒藥等分爲末和勻酒調服隨卽痛減其半

腹痛或大便不通按之痛甚瘀血在內也用加味承氣湯下之既下而痛不止按之仍痛瘀血未盡也用加味四物湯補而行之若腹痛按之不痛血氣傷也用四物湯加參芪白朮補而和之若下而胸脇反痛肝血傷也用四君芎歸補之既下而發熱陰血傷也

用四物參朮補之既下而惡寒陽氣傷也用十全大補湯補之既下而惡寒發熱氣血俱傷也用八珍湯補之既下而欲嘔胃氣傷也用六君當歸補之既下而泄瀉脾腎傷也用六君肉果破故紙補之若下後手足俱冷昏愒出汗陽氣虛寒也急用參附湯吐瀉手足俱冷指甲青者脾腎虛寒之甚也急用大劑參附湯口噤手撒遺尿痰盛唇青體冷者虛極之壞證也急投大劑參附湯多有得生者 有一患者杖後服四物紅花桃仁大黃等劑以逐瘀血腹反痛更服一劑痛益甚按其腹不痛薛曰此血虛也故喜按而

不痛宜溫補之劑遂以歸身白朮參芪炙草三劑痛
即止 有一患者仲秋夜歸墜馬腹內作痛飲酒數
杯翌早大便自下瘀血即安此元氣充實挾酒勢而
行散也 一男子跌傷腹痛作渴食梨子二枚益甚
大便不通血欲逆上用當歸承氣湯加桃仁瘀血下
而瘥此因元氣不足瘀血得寒而凝聚也故產婦金
瘡者不宜食此 一男子孟秋墜梯腹停瘀血用大
黃等藥其血不下反加胸膈脹痛喘促短氣薛用肉
桂木香末各貳錢熱酒調服即下黑血及前所服之
藥而蘇此因寒藥凝滯而不行故用辛溫之劑散之

陳侍御墜馬腿痛作嘔服下藥一劑胸腹脹痛按
之即止惟倦怠少氣診其脉微細而濇予曰非瘀血
也乃痛傷氣血復因藥損脾氣而然耳投養脾胃生
氣血之藥而愈

加味承氣湯 治瘀血內停胸腹脹痛或大便不通
等證

大黃

朴硝 各錢

枳實

厚朴

當歸

紅花

各壹錢

甘草

伍分

用酒水各壹鍾煎至壹鍾服仍量虛實加減病急

不用甘草

垣定痛乳香神應散

治從高墜下疼痛不可忍腹

中疼痛

乳香

沒藥

雄黑豆

桑白皮

獨科栗子

當歸各壹兩

破故紙

炒貳兩

水蛭

半兩

右為末每服伍錢醋壹盞砂石器內煎至六分入麝香少許溫服

小腹痛陰莖作痛有一患者瘀血失砭脹痛煩渴縱

飲涼童便渴脹頓止以蘿蔔細搗塗之瘀血漸散已

而患處作癢仍塗之癢止後口乾作渴小腹引陰莖

作痛小便如淋時出白津此肝經鬱火也遂以小柴

胡湯加大黃黃連山梔飲之諸證悉退再用養血等

藥而安夫小腹引陰莖作痛等證往往誤認為寒證

投以熱劑則諸竅出血或二便不通以及危殆輕亦

損其目矣

脈營衛之氣滯也用復元通氣散筋骨作

痛肝腎之氣傷也用六味地黃丸內傷下血作痛脾

胃之氣虛也用補中益氣湯外傷出血作痛脾肺之

氣虛也用八珍湯大凡下血不止脾胃之氣脫也吐

瀉不食脾胃之氣敗也苟預為調補脾胃則無此患矣

頭痛若痛至四五日不減或至一二日方痛欲作膿也用托裏散若以指按下復起膿已成也刺去其膿痛自止若頭痛時作時止氣血虛也痛而無眩屬痰也當生肝血補脾氣 有一患者患處脹痛悲哀忿怒此厥陽之火為七情激之而然耳遂砭去瘀血以小柴胡湯加山梔黃連桔梗而安後用生肝血養脾氣之藥滄潰而斂 戴給事墜馬腿腫痛而色黯食少倦怠此元氣虛弱不能運散瘀血而然耳遂用

補中益氣去升麻柴胡加水瓜茯苓芍藥白朮治之而痊 儒者王清之跌腰作痛用定痛等藥不愈氣血日衰面耳黧色薛曰腰為腎之府雖曰閃傷實腎經虛弱所致遂用杜仲補骨脂五味山茱萸蓉山藥空心服又以六君當歸白朮神麴各貳錢食遠服不月而瘥 一三歲兒閃腰作痛服流氣等藥半載不愈薛曰此稟腎氣不足不治之證也後果歿

淋瀝有一患者腫痛發熱作渴汗出薛曰此陰血受傷也先砭去惡穢以通壅塞後用四物柴胡黃芩山梔丹皮骨碎補以清肝火而愈 有一患者傷

處擦散惟腫痛不消薛曰此瘀血在內宜急砭之不
從薛以蘿蔔自然汁調山梔末傅之破處以當歸膏
貼之更服活血之劑而瘡數年之後但遇天陰仍作
痒痛始知不砭之失 有一患者腎腿黑腫而皮不
破但脹痛重墜皆以為內無瘀血惟傅涼藥可以止
痛薛診其尺脉濇而結此因體肥肉厚瘀血蓄深刺
去即愈否則內潰有爛筋傷骨之患薛入針四寸漂
黑血數升腫痛遂止是日發熱惡寒煩渴頭痛此氣
血俱虛而然也以十全大補之劑遂瘥 一男子閃
傷右腿壅腫作痛薛謂急砭去滯血以補元氣庶無

後患不信乃外傳大黃等藥內服流氣飲後湧出穢
膿數碗許其膿不止乃復請治視其腿細而脉大作
渴發熱辭不治後果歿 窓友王汝道環跳穴處閃
傷瘀血腫痛發熱作渴遂砭去瘀血知其下焦素有
虛火用八珍加黃檗知母牛膝骨碎補四劑頓止用
十全大補湯少加黃檗知母麥門五味三十餘劑而
斂

血虛作痛 一婦人磕臂出血骨痛熱渴煩悶頭暈日
晡益甚此陰虛內熱之證用八珍加丹皮麥門五味
骨碎補肉桂及地黃丸治之悉愈却去桂加牛膝續

斷二十餘劑而瘡愈

骨傷作痛 一小兒足傷作痛肉色不變傷在骨也頻

用炒葱熨之五更用和血定痛丸日間川健脾胃生

氣血之劑數日後服地黃丸三月餘而瘥 一小兒

臂骨出臼接入腫痛發熱服流氣等藥益甚飲食少

思薛以葱熨之其痛即止以六君黃芪柴胡桔梗續

斷骨碎補治之飲食進而腫痛消又用補中益氣加

麥門五味治之氣血和而熱退愈矣

沒藥丸 治打撲內損筋骨疼痛

沒藥

乳香

川芎

川椒

去目及合口者

芍藥

當歸

各半兩

自然銅

貳錢半火燒醋燂柒次

右為細末用黃蠟貳兩熔開入藥末不住手攪勻

丸如彈子大每服壹丸用好酒壹鍾化開煎至伍

分乘熱服之隨痛處卧連服二三丸立効

濕痰作痛

大宗伯沈立齋孟冬閃腰作痛胸間痰氣

不利以枳殼青皮柴胡升麻木香茴香當歸川芎赤

芍神麴紅花四劑而瘥但飲食不甘微有潮熱以參

芪白朮陳皮白芍各壹錢歸身貳錢川芎捌分軟柴

胡地骨炙草各伍分十餘劑而康

劉尚寶體肥臂

閃作痛服透骨丹反致肢節俱痛下體益甚以二陳
南星羌活防風牛膝木瓜蒼朮黃芩黃蘗治之身痛
遂安以前藥再加歸尾赤芍桔梗治之而痊 鄭吏
部素有濕痰孟冬墜馬服辛熱破血之藥徧身作痛
發熱口乾脉大而滑此熱劑激動痰火爲患耳治以
清燥湯去人參當歸黃芪加黃芩山梔半夏黃蘗熱
痛頓去患處少愈更用二陳羌活桔梗蒼朮黃蘗薑
製生地當歸遂痊

肝火作痛楊司天骨已入臼患處仍痛服藥不應肝
脉洪大而急薛曰此肝火盛而作痛也用小柴胡湯

加山梔黃連二劑痛止用四物山梔黃蘗知母調理
而康 有一患者瘀血內脹焮痛發熱口乾作渴飲
食不甘四肢倦怠薛曰此肝火熾盛脾土受制故患
前證喜其稟實年壯第用降火清肝活血之劑而愈
青腫不消青腫不消用補中益氣湯以補氣腫黯不
消用加味逍遙散以散血若焮腫脹痛瘀血作膿也
以八珍湯加白芷托之若膿潰而反痛氣血虛也以
十全大補湯補之若骨節接而復脫肝腎虛也用地
黃丸腫不消青不退氣血虛也內用八珍湯外用葱
熨法則瘀血自散腫痛自消若行血破血則脾胃愈

虎運氣愈滯若敷貼涼藥則瘀血益凝內腐益深致
難收拾一婦人閃臂腕腫大已三月手臂日細肌
瘦惡寒食少短氣脉息微細屬形病俱虛也遂投補
中益氣加肉桂引諸藥以行至臂再加貝母香附以
解久病之鬱間服和血定痛丸以葱熨之腫消二三
因怒患處仍脹胸膈兩脇微痛以前湯更加木香山
梔半夏桔梗服之少可復因驚不寐少食盜汗以歸
脾湯加五味麥門二十餘劑而安腫消三四手臂漸
肥但經水過期而少此心脾之血尚未充足而然也
乃用八珍加五味麥門丹皮遠志香附貝母桔梗四

十餘劑諸證悉愈後因怒發熱譫語經水如湧此怒
動肝火以小柴胡湯加生地黄貳錢一劑遂止以四
物加柴胡調理而康 州守陳克明子閃右臂腕腫
痛肉色不變久服流氣等藥加寒熱少食舌乾作渴
薛曰傷損等證腫不消色不變此運氣虛而不能愈
當助脾胃壯氣血為主遂從薛法治之不二月形氣
漸充腫熱漸消半載諸證悉退體臂如常 一小兒
閃腿腕壅腫形氣怯弱薛欲治以補氣血為主佐以
行散之劑不信乃內服流氣飲外傳寒涼藥加寒熱
體倦薛曰惡寒發熱脉息洪大氣血虛極也治之無

功後內消瀝盡氣血而亡 李考功子十四歲脚腕
閃傷腫而色天日出清膿少許肝脉微瀉此肝經受
傷氣血虛而不能潰難治之證也急止尅伐之劑不
信乃雜用流氣等藥後果出爛筋而歿

腐肉不潰或惡寒而不潰用補中益氣湯發熱而不
潰用八珍湯若因尅伐而不潰者用六君子湯加當
歸其外皮黑堅硬不潰者內火蒸炙也內服八珍湯
外塗當歸膏其歿肉不能潰或新肉不能生而致歿
者皆失於不預補脾胃也 有一患者瘀血已去飲
食少思歿肉不潰又用托裏之藥膿稍潰而清此血

氣虛也非大補不可彼不從薛強用大補之劑飲食
進而歿肉潰但少寐以歸脾湯加山梔二劑而寐因
勞心煩躁作渴脉浮洪大以當歸補血湯二劑而安
有一患者受刑太重外皮傷破瘀血如注內肉糜
爛黯腫上胤胸背下至足指昏憤不食隨以黑羊皮
熱貼患處灌以童便酒薄粥更以清肝活血調氣健
脾之劑神思稍蘇始言徧身強痛又用大劑養血補
氣之藥腫消食進時仲冬瘀血凝結不能潰膿又用
大補之劑壯其陽氣其膿方熟遂砭去洞見其骨塗
以當歸膏及服前藥百餘劑肌肉漸生 少宗伯劉

五清臙傷一塊微痛少食用六君子湯倍加當歸黃
芪其痛漸止月餘瘀血內涸而不潰公以爲痊予曰
此陽氣虛極須用調補不從至來春頭暈痰涎壅塞
服清氣化痰病勢愈盛脉洪大而微細欲以參芪歸
朮附子之類補之不信至秋初因怒昏憤而厥

新肉不生若患處天白脾氣虛也用六君芎歸患處
緋赤陰血虛也用四物參朮若惡寒發熱氣血虛也
用十全大補湯膿稀白而不生者脾肺氣虛也用補
中益氣湯膿稀赤而不生者心脾血虛也用東垣聖
愈湯寒熱而不生肝火動也用加味道遙散晡熱而

不生肝血虛也用八珍牡丹皮食少體倦而不生脾
胃氣虛也用六君子湯膿穢而不生者陰虛邪火也
用六味地黃丸四肢困倦精神短少而不生者元氣
內傷也用補中益氣湯如夏月用調中益氣湯作瀉
用清暑益氣湯秋令作瀉用清燥湯 有一患者潰
而不斂以內有熱毒欲用寒涼之藥薛曰此血氣俱
虛而不能斂耳非歸朮參芪之類培養脾土則肌肉
何由而生豈可復用寒涼剋伐之藥重損氣血耶遂
用前藥治之而愈

血若患處或諸竅出者肝火熾盛血熱錯經而妄

行也用加味道遙散清熱養血若中氣虛弱血無所
附而妄行用加味四君子湯補益中氣或元氣內脫
不能攝血用獨參湯加炮薑以回陽如不應急加附
子或血蘊於內而嘔血用四物加柴胡黃芩凡傷損
勞碌怒氣肚腹脹悶誤服大黃等藥傷陽絡則爲吐
血衄血便血尿血傷陰絡則爲血積血塊肌肉青黯
此臟腑虧損經隧失職急補脾肺亦有生者但患者
不悟此理不用此法惜哉 張地官墜馬傷腿服草
烏等藥致衄血欬嗽臂痛目黃口渴渴齒痛小便短少
此因燥劑傷肺與大腸而致薛用生地苓連黃芩知

母山梔山藥甘草以潤肺之燥而生腎水小便頻長
諸證並止以山藥五味麥門參芪芎歸黃芩黃芩知
母炙草以滋陰血養元氣而瘡斂 俞進士折腿骨
已接三月尚發熱出血不止正體醫治不應左關脉
洪數此肝火熾甚血得熱而妄行也遂投小柴胡湯
加山梔芍藥生地防風血止熱退又用八珍五味麥
門治之瘡口卽愈 田宗伯姪仲秋因怒跌仆偏身
作痛發熱衄血肝脉弦洪薛曰久衄脉弦洪乃肝火
盛而制金也至春則肝木茂盛而自焚或戕賊脾土
非易治之證當滋腎水以生肝木益脾土以生肺金

乃雜用瀉肝火等藥歿於仲春之月 大尹劉國信
金瘡出血發熱煩躁屬陰虛爲患用聖愈湯治之虛
火息而血歸經矣 梁閣老姪金瘡腫痛出血不止
寒熱口乾此氣虛血無所附而血不歸經也用補中
益氣五味麥門主之陽氣復而愈

瘀血 有一患者瘀血流注腰脊兩足俱黑隨飲
童便酒砂出瘀血糜肉投以小柴胡湯去半夏加山
梔苓連骨碎補以清肝火用八珍茯苓以壯脾胃歿
肉潰而新肉生後瘡復潰得靜調治年餘而痊 有
一患者瘀血攻注陰囊潰而成漏膿水清稀所服皆

寒涼之劑診其肝脉短濇餘脉浮而無力此肝木受
肺金剋制又元氣虛不能收斂遂用壯脾胃生氣血
之方元氣少復後終歿於金旺之日

昏 傷重昏憤者急灌以獨參湯雖內瘀血切不可
下急用花蕊石散內化之恐因瀉而亡陰也若元氣
虛甚者尤不可下亦用以前散化之凡瘀血在內大
小便不通用大黃朴硝血凝而不下者急用木香肉
桂末參貳錢以熱酒調灌服血下乃生如怯弱之人
用硝黃須加肉桂木香同煎假其熱以行其寒也
一婦人孟冬傷足亡血頭汗內熱作渴短氣煩躁不

時昏憤其脉洪大按之微弱此陰血虛於下孤陽炎於上故發厥而頭出汗也以四物合小柴胡湯一劑汗即止以四物去川芎加參芪麥門五味炙草少用肉桂四劑諸證悉去又三十餘劑血氣復而愈一男子孟夏折腿出血過多其初眩暈眼花後則昏憤此陰血傷損陽火熾甚制金不能平木木旺生風所致急灌童便更用人參當歸各伍錢荆芥川芎柴胡芍藥白朮各貳錢山梔黃檗黃芩桔梗各壹錢甘草伍分服之隨爽又用四物參芪各叁錢生地柴胡各壹錢四劑煩躁悉去

眩暈有一患者腹脹嘔吐眩暈用柴胡黃芩山梔紫蘇杏仁枳殼桔梗川芎當歸赤芍紅花桃仁四劑而定後又出血過多昏憤目黑用十全大補等藥而蘇時肌肉潰爛膿水淋漓筋攣骨痛薛切其脉浮而澀沉而弱此因氣血耗損不能養筋筋虛不能束骨遂用養氣血之藥治之而愈 有一患者杖瘡愈後失於調理頭目不清服祛風化痰等藥反眩暈服牛黃清心丸又肚腹疼痛杖痕腫痒發熱作渴飲食不思痰氣上升以爲杖瘡餘毒復作診左尺脉洪大按之如無薛曰此腎經不足不能攝氣歸源遂用人參黃

芪茯苓陳皮當歸川芎熟地山藥山茱萸五味麥門
炙草服之而尋愈後因勞熱渴頭痛倦怠少食用補
中益氣湯加麥門五味而痊

煩燥有一患者兩脇脹悶欲欬不欬口覺血腥徧身
腎腿脹痛倦怠不食煩渴脉大此血脫煩躁也與童
便酒及砒患處出灰血糜肉甚多忽發熱煩躁汗出
投以獨參湯三劑少止又用補氣血清肝火之藥數
劑飲食稍進後用獨參湯間服諸證悉退飲食頓加
但不能多寐以歸脾湯加山梔竹茹四劑而熟睡因
勞心遂煩渴自汗脉大無力以當歸補血湯二劑而

安又以十全大補去川芎加麥門五味牡丹地骨麻
黃根炒浮麥數劑而汗止灰肉且潰又二十餘劑而
新肉生 有一患者煩躁面赤口乾作渴脉洪大按
之如無薛曰此血虛發躁也遂以當歸補血湯二劑
卽止後日晡發熱更以四物加柴胡牡丹地骨黃蘗
知母治之熱退而瘡斂東垣云發熱惡寒大渴不止
其脉大而無力者非白虎湯證此血虛發躁也宜用
當歸補血湯治之裴先生云肌熱躁熱目赤面紅其
脉洪大而虛此血虛也若誤服白虎湯輕則危重則
斃 有一患者頭額出汗熱渴氣短煩躁骨痛瘵肉

不潰遂割去之出鮮血服芩連之藥益甚其脉洪大
而微此氣血俱虛邪火熾盛所致以四物加參芪朮
炙草少用柴胡炒芩二劑頭汗頓止又加麥門五味
肉桂二劑諸證悉退後用參芪歸朮炒芍熟地麥門
五味十餘劑瘀血潰而膿水稠矣但新肉不生以前
藥倍用白朮而斂 吳給事陸馬傷首出血過多發
熱煩躁肉爛筋惕或欲投破傷風藥予曰此血虛火
動所致當峻補其血為善遂用聖愈湯二劑即安又
養氣血而瘡瘡 張進士季秋陸馬亡血過多出汗
煩躁翌日其汗自止熱躁益甚口噤手顫此陰血虛
陽火乘之而汗出為寒氣收斂腠理故汗不得出火
不得泄佛鬱內甚而益增他證也予用四物加柴胡
黃芩山梔四劑少止又用四物參芪軟柴胡五味麥
門治之而痊

發熱若出血過多或潰膿之後脉洪大而虛重按全
無此陰虛發熱也用當歸補血湯脉沉微按之軟弱
此陰盛發躁也用四君薑附若發熱煩躁肉爛筋惕
亡血也用聖愈湯如汗不止血脫也用獨參湯其血
脫脉實汗後脉躁者難治細小者易治外臺秘要云
陰盛發躁欲坐井中用附子四逆湯加葱白王太僕

先生云凡熱來復去晝見夜伏夜見晝伏不時而動者名曰無火此無根之虛火也。楊進士傷手指焮痛發熱服寒涼之藥致飲食頓減患處不潰薛用托裡養血之藥食進瘡潰後因勞每日晡發熱此陰虛而內熱也以四物軟柴胡地骨皮乃退更用養血氣之藥而瘡斂。一男子墜馬腹有瘀血服藥下之致發熱盜汗自汗脉浮滑薛以為重劑過傷氣血所致投以十全大補湯益甚時或譫語此藥力未及而然也以前藥加炮附子伍分服之即睡覺來頓安再劑而痊。舉人余時正金瘡焮痛出血不止惡寒發熱

用敗毒等藥愈甚此亡血過多氣無所附而然耳遂以四物黃芩知母軟柴胡玄參五味麥門治之即愈。一女子年十七閃右臂微腫作痛寅申時發熱薛決其膽經血虛火盛經水果先期而至先以四物合小柴胡湯四劑熱退更以加味四物湯加香附地骨皮山梔各伍分芩連炙草各叁分二十餘劑其腫亦消乃去黃連山梔又五十餘劑經水調而元氣充矣。**陽氣脫陷**梁閣老姪跌傷腿外敷大黃等藥內服破血之劑遂致內潰薛針出穢膿叁碗許虛證悉具用大補之劑兩月餘少能步履因勞心手撒眼閉汗出

如水或欲用祛風之劑薛曰此氣血尚未充足而然也急以艾炒熱頻熨肚臍并氣海穴處以人參肆兩炮附子伍錢煎灌良久臂少動又灌一劑眼開能言但氣不能接續乃以參芪歸朮四味共壹斤附子伍錢水煎徐徐服之元氣漸復飲食已進乃去附子服之而瘡愈

胃腹脹滿 跳躍挺胃閃挫舉重勞役恚怒而胃腹痛悶喜手摸者肝火傷脾也用四君柴胡山梔畏手摸者肝經血滯也用四物柴胡山梔桃仁紅花若胸脇作痛發熱瞋熱肝經血傷也用加味逍遙散若胸脇

作痛飲食少思肝脾氣傷也用四君芎歸柴梔丹皮若胸腹脹滿飲食少思肝脾氣滯也用六君加柴胡芎歸若胸腹不利食少無寐脾氣鬱結也用加味歸脾湯若痰氣不利脾肺氣滯也用二陳白朮芎歸梔子青皮若咬牙發搐肝旺脾虛也用小柴胡湯川芎山梔天麻釣藤鈎或用風藥則肝血益傷肝火益甚或飲糖酒則腎水益虛肝火愈熾若用大黃等藥內傷陰絡反致下血少壯者必為痼疾老弱者多致不起

作嘔 若因痛甚或因尅伐而傷胃者用四君當歸半

夏生薑或因忿怒而肝傷者用小柴胡湯加山梔茯苓若因痰火盛用二陳薑炒黃連山梔若因胃氣虛用補中益氣湯生薑半夏若出血過多或因潰後用六君子湯加當歸 有一患者痛甚發熱嘔吐少食胸膈痞滿用行氣破血之劑益甚口乾作渴大便不調患處色黯薛曰此痛傷胃氣所致遂以四君當歸炒芍軟柴藿香二劑諸證漸愈又用大補之劑潰之而瘳 有一患者發熱熾痛服寒涼藥更加口乾作渴肚腹亦痛自以為瘀血欲下之薛按其肚腹不痛脈微細而遲飲食惡寒此涼藥傷胃而然也急用六君加芍藥當歸炮附子各壹錢服之前證益甚反加譫語面赤薛意其藥力未至耳前藥再加附子伍分服之即睡覺來諸病頓退而安 一高粱之人跌腿青腫作痛服辛熱之藥反發熱作喘患處益痛口乾脣揭薛曰高粱之人內多積熱更服辛熱之劑益其胃火而使然也類飲童便以清胃散加山梔黃芩甘草治之頓止患處以葱熨之腫即消散 一婦人傷指手背俱腫微嘔少食彼以為毒氣內攻診其脈沉細此痛傷胃氣所致也遂刺出膿碗許先以六君藿香當歸而食進繼以八珍黃芪白芷桔梗月餘而瘳

愈

嘔吐黑血如豆汁 治打撲傷損敗血流入胃

芎藭

當歸

白芍藥

百合 水浸

荊芥 各貳錢

右作壹服水壹鍾半酒半鍾煎至捌分不拘時服

百合散 治打撲傷損敗血流入胃腕嘔黑血汁者

川芎

赤芍藥

當歸

百合

生地黄

側柏葉

荊芥

犀角

牡丹皮

黃芩

黃連

梔子

鬱金

大黃

右水煎加童便和服 大便利者去大黃

喘欬若出血過多面黑胸脹或胸膈痛而發喘者乃

氣虛血乘於肺也急用二味參蘇飲若欬血衄血者

乃氣逆血蘊於肺也急用十味參蘇飲加山梔芩連

蘇木 舉人杜克弘墜馬服下血藥反作喘日喘

甚此血虛所致耳非瘀血為患遂以四物加參芪

味麥門治之其喘頓止又用補中益氣加五味麥門

而愈此證果係瘀血蒸熏於肺而喘只宜活血行血

亦不可下若面黑胸脹或膈痛作喘當用人參壹兩
蘇木貳兩作一劑水煎急服緩則不治產婦多有此
疾

二味參蘇飲 治出血過多瘀血入肺面黑喘促

人參 壹兩
蘇木 貳兩

右水煎服

十味參蘇飲 治氣逆血蘊上焦發熱氣促或欬血
衄血或痰嗽不止加黃芩山梔加味參蘇飲

人參 半兩
紫蘇 半兩

茯苓 陳皮 桔梗

前胡 葛根 枳殼 各壹錢

炙甘草 伍分

右薑水煎服

作渴若因出血過多用四物參朮如不應用人參黃
芪以補氣當歸熟地以養血若因潰後用八珍湯若
胃熱傷津液用竹葉黃芪湯胃虛津液不足用補中
益氣湯胃火熾盛竹葉石膏湯若煩熱作渴小便淋
瀝乃腎經虛熱非地黃丸不能救 有一患者瘀血
雖去飲食形氣如故但熱渴燥痛膈痞有痰以小柴
胡湯加天花粉貝母桔梗山梔二劑少愈又加生地

歸尾黃芩柴胡山梔花粉而愈薛治百餘人其杖後血氣不虛者惟此一人耳

大便秘結若大腸血虛火熾者用四物湯送潤腸丸或以豬膽汁導之若腎虛火燥者用六味地黃丸腸胃氣虛用補中益氣湯

若元氣虛弱或不戒房勞或妄行攻伐致成肉上延或腐而不痛黑而不脫者當大補元氣庶可保生若手足節斷去者無妨骨斷筋連不急剪去若侵及好肉則不治若預為調補脾氣則無此患大凡膿瘻內焮者即針之而投托裏散或口噤遺尿

而似破傷風者急用十全大補湯加附子多有生者手足疼痛有一患者愈後腿作痛薛意膿血過多瘡雖愈肝經血氣尚未充實而濕熱乘虛也遂以八珍加牛膝木瓜蒼木黃蘗防已炙草以祛濕熱養陰血痛漸止乃去防已黃蘗服之遂瘳

應痛丸 治折傷後為四氣所侵手足疼者

破故紙

骨碎補

蒼朮

草烏 各半斤

穿山甲

去膜桑柴灰炒泡起為度柴灰亦可

舶上茴香 炒各陸兩

右除草烏半斤用生薑壹斤搗爛同草烏一處淹

兩宿焙乾為末酒煮麵糊為丸如梧桐子大每服五十九丸用酒或米湯送下忌熱物片時

乳香散 治打傷損手足疼痛不可忍

乳香

沒藥 各另研

白芷 貳錢

肉桂

伍錢

白朮

當歸 各炒

粉草

各伍錢

右為細末研勻每服貳錢不拘時酒調下

破傷風

河間云風證善行數變入臟甚速死生在反

掌之間宜急分表裏虛實而治之邪在表者則筋脉拘急時或寒熱筋惕搐搦脉浮弦用羌活防風湯散

之在半表半裏者則頭微汗身無汗用羌活湯和之

傳入裏者舌強口噤項背反張筋惕搐搦痰涎壅盛

胸腹滿悶便溺閉赤時或汗出脉洪數而弦以大芎

黃湯導之既下而汗仍出表虛也以白朮防風湯補

之不時灌以粥飲為善前云乃氣虛未損之法也若

膿血太泄陽隨陰散氣血俱虛而類前證者悉宜大

補脾胃切忌祛風之藥 詳見雜病第五 有一患

者仲夏誤傷手腰背反張牙關緊急脉浮而散此表

證也遂用羌活防風湯一劑即解此證若在秋冬滕

理緻密之時須用麻黃之類以發汗此乃暴傷氣血

大醫務員

卷六

七

不損之治法也。有一患者杖處畧破而患此脉洪大而實此裏證也。用大芍黃湯一劑大便微行一次悉退。若投表藥必效。宜急分表裏虛實而治之。庶無誤矣。有一患者寒熱口乾用四物參芪白朮梔柴炒芍麥門五味四劑少退。薛欲砭去瘀血不從。後怔忡不寐飲食少思牙關牽緊頭目疼痛惡寒發熱此膿內焮也。遂砭去之即安。以八珍棗仁麥門五味二劑前證漸愈。又用前藥及獨參湯瘀肉漸潰。後因勞又少寐盜汗以歸脾湯麥門五味遠志而痊。後牙關脹悶面目焮赤又似破傷風仍以為虛用八珍等

藥亦安。有一患者腹痛喘促作渴寒熱臀腿糜爛與歎血相和如皮囊盛糊用童便煎四物桃仁紅花柴胡黃芩麥門花粉服之頓退。彼用黑羊皮貼之益甚。後砭去膿血甚多氣息奄奄唇口微動牙關緊急患處色黯或欲用破傷風藥薛曰此氣血虛而變證也。用參芪芍歸白朮并獨參湯人乳汁元氣復而諸證愈。乃用十全大補湯調理而安。此證若膿瘀內焮者宜針之。若潰後口噤遺尿而類破傷風等證者乃氣血虛極也。急用大補之劑。若素多痰患風證者宜清痰降火。若因怒而見風證者宜清肝降火。若人不

慎房勞而忽患前證此由腎水不足心火熾甚宜滋陰補氣血為主若誤作風證治之即死

羌活防風湯 治破傷風邪初在表者急服此藥以解之稍遲則邪入於裏與藥不相合矣

羌活

防風

甘草

川芎

藁本

當歸

芍藥各肆兩

地榆

細辛各貳兩

右每服伍錢水煎

防風湯 治破傷風表證未傳入裏急宜服之

防風

羌活

獨活

川芎各等分

右每服伍錢水煎調蜈蚣散服大効

蜈蚣散

蜈蚣壹對

鰾叁錢

右為細末用防風湯調下

羌活湯 治破傷風在半表半裏急服此湯稍緩邪

入於裏不宜用

羌活

菊花

麻黃

川芎

石膏

防風

前胡

黃芩

細辛

甘草

枳殼

白茯苓

蔓荆子

各壹兩

薄荷

白芷

各伍錢

右每服伍錢水煎

地榆防風散

治風在半表裏頭微汗身無汗不可

發汗無治表裏

地榆

防風

地丁草

馬齒莧

各等分

右為細末每服參錢米湯調服

大芎黃湯

治風在裏宜踈導急服此湯

川芎

羌活

黃芩

大黃

各壹兩

右伍柒錢水煎溫服臟腑通和為度

白朮防風湯

治服表藥過多自汗者

白朮

黃芪

各壹兩

防風

貳兩

右每服伍柒錢水煎服臟腑和而自汗者可服若

臟腑秘小便赤者宜用大芎黃湯下之

白朮湯

治破傷風汗不止筋攣搐搦

白朮

葛根

升麻

黃芩

芍藥

各貳兩

甘草

貳錢伍分

右每服伍錢水煎無時服

謙甫硃砂丸 治破傷風目瞪口噤不語手足搐搦
項筋強直不能轉側目不識人

硃砂 研

半夏 洗

川烏 各壹兩

雄黃 伍錢

鳳凰臺 叁錢

麝香 壹字

右為末棗肉丸桐子大每服壹丸或貳丸冷水下
以吐為度如不吐加壹丸或吐不住煎葱白湯止
之汗出為効

左龍丸 治直視在裏者

左盤龍 野鴿糞也

白殭蠶

鰾 各炒伍錢

雄黃 壹錢

右為末燒飯丸桐子大每服拾伍丸温酒下如裏
證不已當用前藥末一半加巴豆霜半錢燒飯丸
桐子大每服加入壹丸如此漸加以利為度利後
服和解藥

江鰾丸 治破傷風傳入裏證驚而發搐臟腑秘澀

江鰾 剉炒

野鴿糞 炒

白殭蠶 各半兩

雄黃 壹錢

蜈蚣 壹對

天麻 壹兩

右為末作叁分貳分燒飯丸桐子大硃砂為衣壹
分入巴豆霜壹錢亦用燒飯丸每服硃砂者貳拾
丸入巴豆者壹丸漸加至利為度後止服前丸

養血當歸地黃散

當歸

地黃

芍藥

川芎

藁本

防風

白芷

各壹兩

細辛

伍錢

右依前煎服

廣利方 治破傷風發熱

括萆子

玖錢

滑石

叁錢半

南星

蒼朮

赤芍藥

陳皮

炒礞

黃連

黃芩

白芷

甘草

各伍分

右薑水煎服

右二方用竹瀝括萆實輩治破傷風熱痰脉洪者前方用南星半夏草烏川烏輩則治破傷風寒痰脉無力者

白丸子 治一切風痰壅盛手足頑麻或牙關緊急口眼歪斜半身不遂等證

半夏

柒兩

南星

貳兩

川烏

去皮臍伍錢各生用

右為末用生薑汁調糊丸桐子大每服壹貳拾丸薑湯下

本事玉真散

治破傷風及打撲傷損項強口噤欲

失業集員

水斗六

百三十一

一 歎南星有防風製其毒不麻人

天南星湯泡 一防風等分

右為末先以熱童子小便洗淨瘡口拭乾摻之良久渾身作痒瘡口出赤水是効又以温酒調下壹錢如牙關緊急腰背反張用藥貳錢童子小便調服至歎心頭微温者急灌之亦可救累効累効治打撲傷損腫痛傷風者

天南星 半夏 地龍各等分

右為末用生薑薄荷汁調搽患處

急風散 治新舊諸瘡破傷中風項強背直腰反折

口噤不語手足抽掣眼目上視喉中鋸聲並皆治之

麝香另研五分 硃砂壹兩 生黑豆貳錢半

草烏叁兩半燒存性

右為細末研勻破傷風以酒調壹錢不拘時服如出箭頭先用酒調壹錢就將此藥貼上箭瘡上

如聖散 治破傷風止血定痛

蒼朮陸兩 川烏炮去皮 兩頭尖炮各肆兩

草烏炮去皮 防風 細辛各貳兩半

白朮 川芎 白芷各壹兩半

雄黃各半

雄黃各半

右為細末每服壹錢不拘時酒調下如損骨折乳

香伍錢

一字散 治破傷風

金頭蜈蚣壹條去頭足炙

草烏

天麻各半

全蝎壹錢

香白芷叁錢

右為細末每服半錢如發熱茶清調下發寒温酒調下不拘時服

發瘧仲景云諸瘧項強皆屬於温又云太陽病發汗

太多致瘧風病下之則瘧復發汗則拘急瘡家發汗

則瘧是汗下重亡津液所致有汗而不惡寒曰柔瘧

以風能散氣也宜白朮湯加桂心黃芪無汗而惡寒

曰剛瘧以寒能澀血也宜葛根湯皆氣血內傷筋無

所營而變非風也杖瘡及勞傷氣血而變者當補氣

血未應用獨參湯手足冷加桂附緩則不救 詳見

雜病第五 有一患者內潰針出膿三五碗遂用大

補之劑翌日熱甚汗出足冷口噤腰背反張眾欲投

發散之劑薛曰此氣血虛極而變瘧也若認作風治

則悞矣用上全大補等藥而愈此證多因傷寒汗下

過度與產婦潰瘍氣血虧損所致但當調補氣血為

善若服剋伐之劑多致不救 有一患者兩月餘矣
瘡口未完因怒發瘡口出血此怒動肝火而爲患
耳用柴胡芩連山梔防風桔梗天麻釣藤鈎甘草治
之頓愈劉宗厚先生云瘡有屬風火之熱內作者有
因七情怒氣而作者亦有濕熱內盛痰涎壅遏經絡
而作者惟宜補虛降火敦土平木清痰去濕

行氣之劑 有一患者服行氣之劑胸痞氣促食少體
倦色黯膿清此形氣俱虛之證也先用六君桔梗二
劑胸膈氣和後用補中益氣去升麻加茯苓半夏五
味麥門治之元氣漸復而愈若用前劑戕賊元氣多

至不救

下血之非 有一患者去其患處瘀血用四物柴胡紅
花治之焮痛頓止但寒熱口乾飲食少思用四物白
朮茯苓柴胡黃芩花粉四劑寒熱卽退用六君芎歸
藿香而飲食進腐肉雖潰膿水清稀以前藥倍用參
芪歸朮茯苓二十餘劑腐肉俱潰膿水漸稠悞服下
藥壹鍾連瀉四次患處色黯喜其脉不洪數乃以十
全大補倍加肉桂麥門五味數劑肉色紅活新肉漸
生喜在壯年易於調理又月餘而愈否則不救凡杖
瘡跌撲之證患處如有瘀血止宜砭去服壯元氣之

外科

百三

劑蓋其氣血已損切不可再用行氣下血之藥復損脾胃則運氣愈難營達於下而反為敗證怯弱者多致天枉

寒藥之非有一患者腫痛敷寒涼之藥欲內消瘀血反致臀腿俱冷瘀血併胸腹痞悶薛急去所敷之藥以熱童便酒洗患處服六君木香當歸傳回陽膏臀腿漸溫又以前藥去木香加川芎藿香肉桂四劑瘀血解乃刺之更以壯脾胃養氣血得痊蓋氣血得溫則行得寒則凝寒極生熱變化為膿腐潰深大血氣既敗肌肉無由而生欲望其生難矣 雲間曹子容

為室人中風灌藥誤咬去指半節焮痛寒熱外敷大黃等藥內服清熱敗毒患處不痛不潰膿清寒熱愈甚薛曰此因涼藥遏絕隧道而然也遂敷王龍膏以散寒氣更服六君子湯以壯脾胃數日後患處微痛腫處漸消此陽氣運達患處也果出稠膿不數日半指潰脫更服托裏藥而斂 上合王天爵傷足焮腫內熱作渴外敷內服皆寒涼敗毒患處益腫而不潰且惡寒少食欲作嘔吐薛曰此氣血俱虛又因寒藥凝結隧道損傷胃氣以致前證耳遂用香砂六君子芎歸炮薑外證悉退惟體倦晡熱飲食不甘以補中

益氣湯加地骨皮五味麥門治之而愈 州守王廷
 用傷指即用帛裹之瘀血內潰焮腫至手薛謂宜解
 患處以出瘀血更用推陳致新之劑不信乃敷涼藥
 痛雖少止次日復作又敷之數日後手心背俱潰出
 瘀穢膿水尚服敗毒之劑氣血益虛色黯膿清飲食
 少思仍請予治投以壯脾胃生氣血之劑由是膿水
 漸稠而愈

不從之非

有一患者發熱煩躁用四物黃芩紅花輭
 柴山梔花粉煩熱已清瘀血深蓄欲針出之不從忽
 牙關緊急患處作痛始針去膿血即安用托裏養血

新肉漸長忽患處瘙痒此風熱也用祛風消毒之劑
 而痊

不補之非

有一患者腎腿脹痛發熱煩躁刺去瘀血
 脹痛少寬熱躁愈甚此血脫邪火旺而然也急用獨
 參湯補之少愈又以健脾胃養氣血藥治之腐肉漸
 潰遂愈大抵此證宜預調補以顧收斂切不可伐其
 氣血不行補益以至不能收斂矣

黃土研細如粉以生薑調於帛上貼之痛止一方用
浴銀鍋子細末油調傅佳

干治火瘡未起梔子仁燒灰麻油和封之厚乃佳已
成瘡燒白糖灰粉傅之燥即瘡用白糖葛氏方

治湯火燒方

右用蕎麥麩炒黃色蜜水調傅如神

中正治

保生救苦散治火燒熱油所損或至肌肉亦脫一切
犬齧損傷并刀斧所傷用生寒水石不計多少為極

細末調塗之或乾上然不如油調其痛立止並不作

膿無分毫釐苦楚日近完復永無破傷風證

水霜散 治火燒皮爛

寒水石 生

牡蠣 燒

朴硝

青黛

輕粉 各等分

右為細末新水或小油調塗立止

治湯火所傷赤爛熱痛

赤石脂

寒水石

大黃 各等分

右為末以新汲水調塗傷處

治火燒

桐油

水銀 各等分

右二件以柳條不住手攪成膏再入大黃末石膏

末和以牛皮膠入少水溶開外用貓兒肚底毛細
剪摻上貼之

綠白散治湯熨火燒疼痛用苦參不拘多少為細末
每用以小油調搽

凡被傷熱油痛不可忍取廁下黑淤泥量傷大小斟
酌多少次以老薑汁麻油十分之一共研令勻搽傷
處立愈以青黛傅之亦妙

治湯火傷

大黃

黃芩

黃連

山梔子

黃礬

知母

貝母

蜜陀僧

乳香

沒藥

輕粉

甘草

右為細末用鷄子清加蜜調不住手時時搗之

清涼膏 治湯發火燒此藥止痛解毒潤肌生肉

梔子仁

黃連

白芷

生地黄

葱白

黃蠟

清麻油

右細剉於油鐺中煎地黄焦黑色綿濾去滓澄清

却於鐺內入蠟慢火熬候蠟消傾於磁盒內用時

以鷄羽搵少許塗瘡上以瘡為度

麻子膏 治火燒人肉爛壞

麻子 壹合取

栢白皮

柳白皮

山梔子 仁碎

白芷

甘草 各貳兩

右剉細以猪脂壹斤煎三上三下去滓以塗瘡上

日三

黃檗散 治湯火傷

黃檗

大黃

朴硝

鷄子殼

寒水石 各等分

右為細末用水調塗極効

栢葉散 治湯火傷

栢葉

梔子仁 各壹兩

胡粉 研半兩

右為細末以羊髓五大合化和藥以木椎研三

五百徧一日三次塗之瘡

蛤粉散 治湯火傷

右以蛤蜊殼不拘多少炙焦黃色搗為細末用生

油調如膏傅之如水仍無痕一方以蜜水調傅之

疼立止不膿不痕吳內翰居鄉中隣家釜翻一小

兒自頭至踵皆傷急以傅之啼立止遂無恙唯纔

傷隨手用即効少緩即不及當須先合以備用耳

治湯火燒瘡

右以側栢葉入臼中濕搗令極爛如泥冷水調作膏傳傷處以帛子繫定三二日瘡當斂仍滅癩一方燒灰存性為末以鷄子清調傳如乾再上或蜜調亦可或搗末以脂調塗瘡上乾即易一方以山栢子葉爛搗塗傳

治人向火生火斑成瘡有汁及治火氣入瘡

右用黃檗薄荷為末乾摻之即愈一方用黃檗皮為末摻之立愈薄荷煎塗亦可

不補治火瘡敗壞用雲母粉同生羊髓和塗之

經治湯火瘡至妙用劉寄奴為末先以糯米漿雞翎

掃傷處後搽藥末在上並不痛亦無痕大凡湯傷先用鹽末摻之護肉不壞然後傳藥 又方以榆白皮末猪脂油塗瘡愈

世治火湯瘡先以酒洗次以楊梅樹皮為末香油調傳 治湯火瘡用髮一束香油煎以髮盡為度放冷搽患處驗

精治中熱油及火燒除外痛以丹參捌兩細剉以水微調取羊脂貳斤煎三上三下以傳瘡上愈 止痛膏 治灸瘡及湯火傷日夜啼呼此藥止痛滅

癩

松脂

羊脂

豬膏

黃蠟各壹分

右取松脂破銚中切脂嚼蠟着松明上少頃銚內燒諸物皆消以杯盛汁傅之松明是肥松節也

神効當歸膏 治湯火瘡初起癰漿熱毒侵展焮赤

痛毒氣壅盛腐化成膿此藥斂口生肌拔熱毒止

疼痛

當歸

黃蠟各壹兩

麻油肆兩

右將當歸入油煎令焦黑去滓次入黃蠟急攪化放冷以磁盒盛用時以故帛子攤貼一方用白蠟

紫雪 治湯盪火燒疼不可忍或潰爛成惡瘡

右用松樹皮燒灰貳錢瀝青壹分研為細末清油

調傅濕則乾摻忌冷水洗日三一方不用瀝青以

松樹皮陰乾為細末入輕粉少許生油調傅如傅

不住絹帛縛定即生痂

治湯火傷

右用霜後芙蓉葉桑葉等分陰乾研為細末用蜜

調塗傅之濕則乾摻

鷄黃油 治湯火傷

右用鷄子煮熟去白用黃於銀石鍋內炒乾再炒

直待都化作油去火毒毛翎掃下入韶粉夜明沙
一為末香油調傅濕則乾摻之

灸瘡止痛生肌散 治灸瘡

牡蠣半兩 煨研 寒水石煨研 滑石研各壹分

右為細末凡用之時切護爪甲勿令中風仍須洗
瘡令淨然後摻藥薄薄令徧以軟綿帛繫之候肌

生漸用栢皮膏

栢皮膏 治灸瘡久不瘥

栢樹白皮 伏龍肝各肆兩 猪脂半斤 煉為油

右同熬成膏濾去滓入磁器中每用時薄薄塗之

並以油紙隔軟帛裹

綠雲散 治灸瘡止痛

栢葉 芙蓉葉並端午日午時採不拘多少陰乾

右為細末每遇灸瘡黑蓋子脫了即用冰調少許

如膏藥攤楮紙上貼之養膿更無痛楚

四時貼護方 治灸瘡未着痂及出膿久不合者成

春以柳絮 夏以竹膜 秋以新綿內被

冬以兔毛

右各隨時貼瘡上

肉托黃芪丸 治鍼灸傷經絡流膿不止

治鍼灸傷經絡流膿不止

黃芪

捌兩

當歸

洗參

肉桂

去皮

木香

乳香

另研

沉香

各壹兩

茶豆粉

肆兩

右為細末生薑汁煮糊為丸如梧桐子大每服伍

拾丸不拘時白湯送下

諸蟲獸螫傷

通治 聖惠治蛇咬蠍螫蟻咬妙

雄黃

叁錢

信

壹錢

皂角子

巴豆

各肆拾粒

耳塞

麝香

各少許

右五月五日不聞鷄犬婦人處不語搗為細末在杏子核內封之鍼挑出上痛處大有神効

世治一切蛇蟲傷貝母末酒調服効詳見蛇咬 又方用

酥和鹽傅之 又方用益母草搗爛厚盒傷處 又

方用鵝糞傅之 又方用豆葉搗爛傅 又方用獨

蒜酸漿草搗傅傷處 又方用酒暖洗瘡上日三次

者只以救急

十一

百五

又方紫蘇葉油浸塗傷處

山諸般惡蟲咬以油浸紫草塗之

丹治蛇咬蠶咬惡蟲咬猪膏每搗汁傳陳藏器治狗咬

治山溪中沙虱射工等毒用葱小蒜茱萸煮汁浸或

搗傅大効

治二十七穀蟲咬傷人及瘡腫者用麝香雄黃乳香

礪砂各貳錢土蜂窩露蜂窩燒灰存性研細以醋調

少許塗咬處或不能辨認疑是惡瘡三五日不療即

毒入心難瘥忌雞魚油膩物

治蛇傷犬咬一切蟲毒用試劍草搗爛貼之

治蛇犬及狂狗咬用蚯蚓糞和鹽研傅神効

海治蠍蜘蛛蛇毒雞卵輕敲一小孔合咬處即瘥

又方先問被傷人是甚蟲傷即默念火德星君黑殺

攝吹在傷處自然不痛 又方用艾炷於傷處灸三

五壯拔去毒即愈

治毒蛇并射工沙虱等傷眼黑口噤手脚強直毒攻

腹內成塊逡巡不救用蒼耳嫩葉一握研取汁溫酒

和灌之將滓厚罨所傷處

簡治毒蛇射工沙虱等物傷着人眼黑口噤手足強

直毒氣入腹用白礬甘草等分為細末每服貳錢冷

毒入腹者服藥

水調下

治諸蛇蟲傷毒用青黛雄黃等分新汲水調服貳錢
又方用蒼耳嫩葉一握搗汁温酒和飲滓厚傳傷
處口噤身强者灌之

治蛇犬咬卽破傷風用荔枝草一握約參兩以好酒
貳椀煎至壹椀服卽睡出汗汗不止以温白粥補之
治惡蛇風犬傷川雄黃草撥細辛等分入麝少許爲
末每服貳錢好酒調下

初傷
解毒
之又以牙塗封傷處傳而護之甚妙且不痛腫
山居
云用

犬糞傳患
處亦佳

又方用好醋一二碗服令毒氣不隨血

之或飲清油一二盞亦可及以頭繩扎定傷處兩頭
次用白芷末半兩白水調服頃刻咬處黃水出盡腫
消 又方用白礬雄黃黃蠟等分丸如指頭大遇有
着傷燈上燒開滴傷處或以竹筒按上滴入則毒不
散

世路行卒被蛇咬當急扯裹脚帶扎縛傷處上下寸
許使毒氣不能煖傷肌體又急用白礬安刀頭火上
溶汁沸滴於傷處待冷以長篦子速挑去靨則毒血
隨出黯腫尚未退更滴之以退爲度 村居山僻及

途中夜行卒被蛇傷咬難求白礬處速作艾炷灸五壯以唾調鹽塗之如黯腫尚未消釋當更灸更搽毒涎自然流出且不透裏傷人蜈蚣咬亦宜灸
世治一切毒蛇咬用透明雄黃研細末以醇酒濃調厚搽傷處水流出如涎痛腫即消一方以萵苣汁和雄黃末作餅子候乾為末每用少許貼瘡口立効
衍有人被毒蛇所傷已昏困有老僧以酒調藥貳錢灌之遂甦及以藥滓塗患處良久復灌貳錢其苦皆去問之乃五靈脂壹兩雄黃半兩同為末止此耳後有中毒者用之無不効驗 又方用乾薑雄黃等分

為末傅之兼辟蛇用絹袋盛繫臂上男左女右蛇聞氣遠避

世治毒蛇所傷

細辛

香白芷

各伍錢

雄黃

貳錢

右為末加麝香少許每服貳錢溫酒調服効

丹治一切蛇咬用香白芷嚼碎傅患處又用溫酒調

服効 水蓼搗汁飲滓傅傷處 櫻桃葉絞汁服滓

傅傷處

世治一切蛇蟲所傷用貝母為末酒調令病人盡量飲之頃久酒白傷處為水流出候水盡却以藥滓傅

言... 治蛇咬腫毒悶欲死者用重臺陸分續
隨子陸穎去皮同為細末以酒服方寸七又以唾調
少許傳患處立安崔氏海上方 又方用白礬貳錢服之
防毒氣攻心 又方金線重樓以水磨少許傳咬處
又為細末酒服之 又方用柏樹葉魚腥草地松節
皺面草草決明共一處研細傳傷處極佳 地榆生
絞汁飲及濃煎漬之半日愈 治蛇傷用馬蘭草即
塔前菊生搗傳傷處亦解酒疸止鼻衄合金瘡 治
蛇咬瘡用蒜去皮壹升搗破以童便壹升煮三四沸
熱漬損處壹兩時初咬未腫即嚼蒜封之六七易

又方用蒜壹升乳貳升煮爛空腹頓服以飯壓之次
日依前再服

治諸惡蟲蛇螫用地菘搗傳之

海治蛇虺咬人以獨頭蒜酸漿草搗汁傳咬處佳

海治蛇咬男子陰毛口含二十莖嚥其津毒不入腹

世治諸般蛇咬此傳之於擒蛇者藥味不全亦可

大青 小青 青木香

烏柏葉 火炊草 山蕨菴

過山龍 地蜈蚣 天門冬

白芍藥 香薷

右細末用白木香研細生白酒調服查罨咬處累
効

聖治蛇咬毒食茱萸壹兩為細末冷水調分為三服
立瘥

丹治蛇毒喫菰蔣艸根灰取以封之其草即野菱白
是也廣濟方 蛇咬作瘡暖酒浸日三次 絲瓜根搗

生酒飲醉立愈 治蛇傷用小青一握細研入香白
芷半兩酒調服却以手捻患處候黃水出為効 毒

蛇傷人目黑口噤毒氣入腹以甘草白礬等分末之
冷水調下貳錢蒜壹升乳貳升煮食仍煮童便熱漬

之 麻油米醋並急飲貳盃毒即散 大糞塗之

頭垢耳塞并泥蚯蚓糞和搗塗咬處黃水出愈 一
方加白丁香

蛇咬忌食酸物梅子犯之大痛

蛇入人口并七孔中者割猪母尾頭瀝血着口中并
孔口上即出

聖治因熱取涼睡有蛇入口中挽不出者用刀破蛇
尾内生椒二三粒裹着即出

治卒為蛇繞不解以熱湯淋之無湯令人尿之
蜈蚣咬治蜈蚣咬生雞血傅上立愈累効一男子為

蛇繞人

孔入

者只快各處易 小斗六

蜈蚣入咽喉中咬之垂死之際一醫令殺生雞血乘熱灌喉中蜈蚣即出而愈實良方也 又方用雞糞塗之 又方治蜈蚣諸毒蟲傷麻油點燈於瘡口上對口熏之登時愈 又法大油紙燃燒燈吹滅以餘煙焯之亦治蠍及諸毒傷 治蜈蚣咬竹葉清研汁傳之立愈 又方用南星磨汁傳之累効 蜈蚣草曬乾爲末入鹽少許水調傳患處能解諸毒 梅治蜈蚣咬痛不止獨頭蒜磨螫處立愈 聖治蜈蚣咬方用蝸牛揜取汁滴入咬處 孫蜈蚣咬取蜘蛛壹枚安咬處當自飲毒如蜘蛛死

而痛未止更易生毒

丹蜈蚣咬嚼鹽傳其傷處次以鹽湯洗之 梅師方 蜈

蚣咬頭垢塞之不痛則痒 治蜈蚣咬及諸蟲咬毒

先用鞋底上擦之用大蒜小蒜桑葉罨傷處如無用

油鼓盞傷處或藍靛塗罨之亦効 治蜈蚣毒蟲咬

用桑枝汁同鹽擦痛處或溶黃蠟滴患處肉黑爲度

又方用阜角於咬處上用艾炙熱去之効 用生

薑汁調雄黃水傳 又方灰莧葉擦其痛即止 又

方燈草蘸香油點煙熏之 又方凡被傷急以手指

於地上乾處畫王字內撮土摻在咬處即愈 又方

用耳塞少許塗咬處疼即止 又方用茱萸嚼爛擦之 又方用生薑汁調蚌粉搽

蠖蝮傷 治蠖蝮尿成瘡初如粟漸大如豆如火燒泡大痛者速以草茶細末生油調傅瘡上立止甚妙

猶膏每搗汁傅之 草茶即茶茗也 治兩點蠖蝮瘡用百合搗爛入

鹽少許傅之効

于治蠖蝮尿人影着便令人病瘡如粟粒纍纍痛似刺蟲所螫惡寒壯熱用犀角磨汁塗之則愈

世蠖蝮蟲又名八脚蟲隱壁間以尿射人徧身生瘡如湯火傷用烏雞翎毛燒灰雞子白塗之 治小兒

蠖蝮咬透腹匝即效用梨葉研爛傅之

食蠖蝮尿瘡鹽參升水壹斗煮取陸升以綿浸湯淹

瘡上

蠖蝮雄黃消毒膏 寶鑑 治蝎螫不可忍

雄黃

信 各半

巴豆

叁錢

白礬

生壹兩

右為細末黃蠟半兩溶開入藥攪勻為錠子如棗子大用時將錠子灸於燈焰上炙開滴於螫處其痛立止

潔一上散

治蝎螫痛

治蝎螫痛

半夏

壹字生用

雄黃

壹字另研

巴豆

壹箇去皮研如泥

右三味同研和勻上之

治蝎毒用溶化白礬乘

熱滴傷處痛止毒出

廣治蝎螫人研蜘蛛汁傅之瘥

山蝎螫苦蕒汁塗之

世治蝎螫地磨生薑塗之

又方南星米醋調擦之

人參嚼封之

白礬半夏等分爲末醋調貼痛止毒

出 又方用葱白切壹片厚貳分置螫處灸三五

蜂螫治蜂螫薄荷貼之瘥 人參嚼封之 以酥傅

亦得

之 醋磨雄黃塗

蜂房末豬脂調傅

煎湯洗

黃

蜂蜇熱酒洗之立効 又方清油搽之愈

蜘蛛咬張薦昔在劍南爲張延賞判官忽被班蜘蛛

咬項上一宿咬處有二道赤色細如筋繞項上從胃

前至心經二宿頭面腫疼如數升益大肚漸腫幾至

不救張相素重薦因出家財五百千并薦家財五百

千募能療者忽一人應召云可治張相初不甚信欲

驗其方遂令目前合藥其人云不惜方當療人性命

耳遂取大藍汁一甕碗取蜘蛛投入藍汁良久方出

甚困不能動又別搗藍汁復加麝香雄黃和之更取

一蜘蛛投汁中隨化爲水張相及諸人甚異之遂令

點於咬處兩日內悉愈但咬處作小瘡痂落如舊

海蜘蛛咬徧身成瘡用青葱葉一莖小頭作一孔盛

蚯蚓一條捏兩頭不令透氣搖動化為水點咬處瘡

治蜘蛛瘡用羊乳傅其上或用清油搽之即安

丹蜘蛛咬處嚼韭白傅之

山蜘蛛等諸般蟲咬用葛粉生薑汁調傅

經蜘蛛咬唾和山豆根末塗之狗咬虺蜉瘡蛇咬龍

水研山豆根傅之虺蜉蝥切蟻蟻又方蜘蛛咬一

身生絲牟乳一件飲之 灰藿搗碎和油傅之

秦皮一味治天蛇毒此瘡似癩而非癩也天

蛇即草間黃花蜘蛛人被其螫仍為露所濡乃以此

疾以秦皮煮汁一斗飲之瘥

壁鏡大如蜘蛛而形扁斑色入足咬毒人必死用桑

柴燒灰水煎三四沸濾汁傅瘡上無治蛇毒 又方

雄黃醋磨搽妙 又方大黃研醋煮水塗妙

刺毛蟲傷春夏月樹下牆塹間有一等雜色毛蟲極

毒凡人觸着者則放毛入人手足上自皮至肉自肉

至骨其初皮肉微痒以漸至痛經數日痒在外而痛

在內用手抓搔或痒或痛必致骨肉皆爛有性命之

憂此名中射工毒諸藥不効用好豆豉約一碗清油

半盞拌豉搗爛厚傅痛痒處經一時久豉氣透骨則引出蟲毛紛紛可見取下豉埋在土中煎香白芷湯洗痛處如肉已爛用海蝶蛸即烏賊魚骨為末傅之愈 一方取蒲公英根莖白汁傅之立瘥 又方用鍋底黃土為末以酸醋捏成團於痒痛處搓轉其毛皆出在土上痛痒立止神効無比 黃土即伏龍肝也 按治刺螫傷無如甘草妙口內細嚼傅之即時瘳今蘇州虎丘山下民家皆以種植樹木為生周十里內無刺螫乃時用甘草汁灑樹故也

蚯蚓傷 治蝻蟻吹用老茶葉細末 傅

丹 治蚯蚓咬如大風狀眉鬚皆落夜則蚯蚓鳴於身上膿作鹽湯浸數次安 傳信方 行昔有病腹大夜聞蚯蚓鳴於身有人教用鹽水浸之而瘳

蝮蛇咬 治蝮蛇咬用槲葉燒灰細研以泔別浸槲葉取洗瘡拭乾納少許灰於瘡中 又方治蝮蛇咬人用石灰醋和塗之

蜈蚣咬 用麝香研蜜調傅 又方用芋根搗汁飲塗 若

芋近蠶種別蠶不生

犬咬 犬咬人屎傅之 犬咬人以頭垢傅傷處又用

者只火攻也勿 十一十六 五五

熱牛糞塗於外肘後

衍犬傷人用杏仁量所傷大小嚼爛沃破處以帛繫

定立瘥

世治犬咬用杏仁去皮尖同馬藷根研細先以葱湯

洗後以此藥塗傷處効 治犬咬傷用草麻子五十

粒去殼以井水研成膏先以鹽水洗咬處次以此膏

傅貼 一方用虎骨屑傅之 治犬咬人不要洗用

紅炭火以物擊細待冷取塗咬處即愈 治犬咬用

黃荆葉搗罨渣上即安 又方炙生薑乘熱擦之尤

妙 又方靛青和牛糞塗

丹狗咬用紫蘇葉口嚼碎塗之 犬咬破傷風腫以

人參於桑柴火上燒成灰末傅之安

羅蟬花散 治夏月犬傷及諸般損傷蛆蟲極盛臭

惡不可近者

蛇退皮壹兩火燒存性蟬殼

青黛各半兩

細辛貳錢五分

右為細末每服參錢酒調下如六畜損傷成瘡用

酒灌下如犬咬傷用酵子和喫蛆皆化為水蠅子

不敢再落又以寒水石末乾摻上

顛大咬定風散 治風犬咬先口嚼漿水洗淨用綿

拭乾貼藥更不再發大有神効

天南星

生

防風

各等分

右為細末乾上更不再發無膿効不可具述

丹治犬咬梔子皮燒灰石硫黃等分研細傅瘡

梅師方

世治風狗咬用桃核殼半箇將野人乾糞填滿以榆

皮蓋定罨於傷處又用艾於桃核上灸十四壯即愈

永不再發

或用野犬糞如前法灸之

又方艾灸傷處五七壯

山風狗咬即用犬糞塗仍拔去頂上紅髮

世癩狗咬方用蟹螯七枚去頭足翅以糯米少許於

新瓦上同炒以米黃香為度去米不用以蟹螯研碎

好酒調下能飲人再進酒一杯傷在上食後服在下

空腹服當日必有毒物從小便出如小狗狀如未下

次日再進亦不下又進以毒物出為度若進至七服

雖不下毒亦不妨矣服藥後腹中必不安小便莖中

刺痛者不必慮此毒受攻將下耳痛甚者以蕪青一

匙煎甘草湯送下即止如無蕪青青黛亦可疾愈後

急以香白芷多雄黃少許為末搗韭根自然汁湯酒

調下去蟹螯毒以水淨漱口嚼生葱白罨傷處留小

竅子出毒氣不可用他草藥罨忌犬豬羊及發風毒

物小兒量歲數加減蟹螯食癩狗肉致病者治同即

愈或過二三年再發治如前 治癩狗所傷用蟹螯
貳拾壹箇去頭翅并足用糯米壹勺先將柴箇入米
內微火炒不令米赤去此蟹螯別用柴箇再於前米
內炒令蟹螯色變復去之又別用柴箇如前法炒以
米出青煙爲度去蟹螯不用以米研爲粉用冷水入
清油少許空心調服頃又再進一服以小便利下惡
物爲度如不利再進一服利後腹肚疼痛急用冷水
調青龍服之以解其毒否則有傷或煎黃連水亦可
不宜便食熱物或以益元散水調服尤妙 又方用
米泔洗淨以沙糖塗之後用益元散肆兩蟹螯拾肆

箇去頭翅足同煎空心溫服 又方用雄黃伍錢麝
香伍分研勻酒調貳錢服下去惡物再服得睡莫驚
覺或經久復發亦宜服此

世風狗咬取小兒胎髮炒香傳野菊花研細酒調服
盡醉止効 又方韭菜根搗汁二三盞服 又方桃
白皮一握水貳盞煎壹盞服

世治癩犬所傷或經久復發無藥可療者用之極驗

雄黃色極明者伍錢 麝香伍分

右研勻用酒調貳錢服如不肯服者則撚其鼻而
灌之服藥後必使得睡切勿驚起任其自醒候利

下惡物再進前藥則見効矣

丹癡犬咬人搗地黃汁飲之并塗瘡口愈 又方煮

地榆汁飲之無細末傅瘡上服方寸七日三忌酒若

瘡癢者搗生韭汁飲一二升梅師肘後同 風犬咬後毒

發如狗叫聲於化人壇拾頭頂骨燒末傅之 風狗

咬毒發如狗叫者百方不治以人骨燒末之水下方

寸七雖煩亂者亦治梅師方 膽礬為末貼瘡立愈

馬咬細嚼粟子傅傷處 又方用益母草細切和醋

炒封之 毒入心馬齒莧湯飲之瘥

鼠咬用貓兒毛燒灰傅之 貓糞填咬處 麝香末

傅包之

人咬龜甲或鼈甲燒為灰末之香油調傅

虎咬用野生菜搗爛塞所傷孔中滿不必換自然新

肉長出而愈曾有人被咬已死用此方治之

丹熊虎傷毒痛煮生鐵令有味以洗之用後方 虎傷

人瘡取青布緊捲燒一頭內竹筒中射瘡口令煙熏

入瘡口中佳梅師方 清油洗瘡口仍喫清油壹碗

又方用乾葛濃煎湯洗 又方用沙糖水調塗仍服

沙糖水壹兩碗

世虎傷人瘡用莓子葉杵細塗之按本艸莓子葉即猪膏莓能治虎伏

咬傷

熊咬熊傷人燒青布熏瘡中毒出仍煮葛根濃汁以洗之日十次并搗葛根為散煮葛根汁方寸七日五服瘥

驢涎馬汗瘡驢涎馬汗入瘡腫漸甚可急治之遲則

毒深不治以生烏頭末傅瘡口上良久黃水出立安

世治驢涎馬汗入瘡用遠志去心為末酒調塗 又

方用冬瓜青皮陰乾為末貼瘡上 又方馬汗熱毒

毒氣引入如紅線者急用烏梅肉嚼爛塗毒

方用烏梅和核爛研用好醋和成膏先將

出盡紫紅血拭乾傅上以帛縛定 王氏治驢涎馬

汗毒所傷白礬飛過黃丹炒令紫色各等分相裹合

以貼患處

孟馬齒莧又主馬毒瘡以水煎令服一升一半塗瘡

上 濕癬白禿以馬齒膏和灰塗効

諸生曾整傷 卷之六 五七

本草綱目卷之六 夕禾六

百三十九

上

土 蒸 蕪 白 朮 以 水 煎 膏 味 以 金 枝 久 煎 水 出 之 矣

蓋 黑 齒 黃 又 主 濕 毒 瘡 以 水 煎 令 如 一 棗 一 半 金 膏

以 胡 患 黃 皮 陰 乾 為 末 服 之 人 亦 宜 服 之

干 薑 河 身 白 礬 蘇 齒 黃 丹 妙 令 紫 色 各 等 分 研 末 合

出 盡 紫 珠 血 淋 瘡 斬 上 以 帛 懸 衣 王 丹 亦 宜 服 之

